

七
1

济
阴
綱
目



濟陰綱目卷之九

關中 武之望 却卿父輯著

武林

張文嘉仲嘉父訂正

西陵 汪

淇 愴 漪 子箋釋

天都

查

望于周父參閱

胎前門下

傷食

大全曰經云飲食自倍腸胃乃傷又云陰之所生本在五味陰之五宮傷在五味若妊子飲食不節生冷毒物恣性食噉致傷脾胃故娠傷食最難得藥惟木香丸白朮散二方最穩捷

薛氏曰東垣先生云脾胃之氣壯則過時而不饑多食而不傷蓋胃主司納脾主消化五臟之本也然食倍而傷者乃脾氣虛而不化也若投以峻劑則脾胃復傷而胎亦損矣當審其所因而調治

之若飲食停滯或肚腹作痛用平胃散腹滿泄瀉用六君子湯
脾氣下陷用補中益氣湯凡噯覺藥氣且戒藥餌節飲食經云損
其脾者調其飲食適其寒溫大凡脾胃虛弱飲食難化以白朮陳
皮爲末等分陳麴丸常服最善枳朮丸但可暫用枳實峻厲能
耗真氣治者慎之

一妊婦因停食服枳朮丸胸腹不利飲食益少更服消導寬胸之
劑其胎下墜奈謂此脾氣虛而不能承載也用補中益氣及六君
子湯中氣漸健其胎漸安又用八珍湯加柴胡升麻調理而痊

平胃散 治妊娠飲食停滯或肚腹作痛

蒼朮

米泔浸炒

厚朴

薑製

陳皮

各一錢

甘草

炙五分

右剉加生薑三片棗一枚水煎服

嘔吐惡心加枳殼砂仁

吞酸噯腐加黃連三分吳茱萸二分

六君子湯 治脾胃虛弱飲食難化或腹滿泄瀉

人參 白朮 茯苓 甘草 半夏 陳皮 各一錢

右劉加生薑三片棗一枚水煎服

停滯肉食加山查

停滯麪食倍加麥蘖

停滯糯米食用白酒麴一味

停滯米飲倍加穀蘖

魚腥所傷倍加陳皮

傷辛熱之物加黃連



傷生冷之物加砂仁木香如不應更加肉豆蔻補骨脂再不應
用四神丸

木香丸 治妊娠脾胃虛弱飲食不消肚腹膨脹或嘔吐泄瀉

木香

二錢

三稜

人參

白茯苓

各三錢

三稜犯胎忌
與人參並用
或無妨亦須
看人強弱

右爲末麪糊丸如菜豆大每服三四十九熟水下

白朮散 治妊娠脾胃虛弱氣不調和飲食易傷

白朮

炒

紫蘇

各一人參

白芷

炒各七錢半

佐紫蘇白芷
調和胃氣妙

川芎

訶子皮

青皮

各半兩

甘草

炒二錢半

右可服二錢加生薑三片水煎服

俗謂絞腸痧
卽此

大全云夫妊娠忽然心腹刺痛悶絕欲死者謂之中惡蓋邪惡之
氣中于胎而傷人也所以然者血氣自養而爲精神之主若血氣



溫行惡氣

不和則精神衰弱故邪毒之氣得以中之妊娠病此亦致損胎也
薛氏曰前證當調補正氣為善用金銀藤一味煎湯飲之
當歸散 治妊娠中惡心腹病痛

當歸

丁香

川芎

青橘皮

吳茱萸

半兩去梗湯泡三次炒黑

右為細末溫酒調下一錢無時

又方

生乾地黃

一兩

枳殼

木香

各七

右為細末每服一錢酒調下

又方

苦梗

一兩細剉畧炒

生薑

半兩

水煎服之

散滯湯

治觸惡冒氣傷胎肚痛手不可近不思飲食

青皮

三

黃芩

芍藥

各二

歸尾

一



此其惡也
替艾方極妙

川芎一錢

木香五分

甘草炙少許

石分二貼水三盞先煮芎根兩大片至二盞去芎根入煎藥同煎至一盞熱服

補遺方 治妊娠中惡心腹絞急切痛如鬼擊之狀不可按磨或吐衄血者

用熟艾如拳大煮汁頻服

一方用鹽一盞水二盞調和服以冷水喫之吐出即安

一方用竈心土爲末每二錢井水調服白湯亦可

傷寒

吳氏曰凡妊娠傷寒六經治例皆同但要安胎爲主凡藥中有犯胎者則不可用也如藿香正氣散十味芎蘇散參蘇飲小柴胡湯

之類有半夏能犯胎如用須去之若痰多嘔逆必用之以半夏
則可如無沸湯泡七次去皮臍生薑自然汁拌曬乾乃可用也凡
川烏附子天雄劒子肉桂乾薑大黃芒硝芫花甘遂大戟蜀漆水
蛭蠱蟲桃仁牡丹皮乾漆代赭石瞿麥牛膝等類之物皆動胎之
藥凡用必須斟酌仔細詳之大抵妊娠傷寒合用湯劑必加黃芩
白朮二味能安胎也或與此二味煎湯與之或為細末白湯調下
二三錢亦佳如妊婦素稟弱者藥中四物湯佐之不可缺也且如
用小柴胡去半夏加白朮合四物湯用之可以保胎除熱也其効
如神餘皆倣此用之則妙矣

汗下和三法
固成法也而

萬密齋云妊娠傷寒專以清熱安胎為主或汗或下各宜隨其五
臟表裏所見脈證主治勿犯胎氣故在表發汗以香蘇散為主牛

主以香極黃
龍三黃解毒
三方則發前
人所未安
妙甚

表半裏則和解之以黃龍湯為主在裏則下之以三黃解毒湯為
主此吾家傳之秘活人甚多如古方六合湯雖分治詳明猶不及
此切當古方六合湯自表虛四物湯至四物大黃湯共計十五方詳見第一卷調經門四物湯加減條下

白朮散 治傷寒熱病先以此安胎但覺頭痛發熱便可服三
服即瘥若四肢厥逆陰證也不可用

白朮 黃芩 各等分新
瓦上炒

右細切每三錢加生薑三片大棗一枚水煎服

安胎阿膠散 治妊娠傷寒時氣先服此以安胎却以主藥間服

阿膠 炙 白朮 炒 桑寄生 人參 白茯苓 各等分

右為末每服一錢用糯米飲調下日三服

香蘇散 凡妊婦傷寒勿論日數但見惡寒頭疼此主之

先服安胎雖
自六頭胎大
表前重者須
斟酌



香附炒黑

紫蘇各二錢

陳皮一錢

甘草五分

右剉加生薑三片葱五根煎服

頭痛加川芎白芷各一錢名芎芷香蘇散

假令得肝脈其外證善潔面青善怒其三部脈俱浮而弦惡寒裏和謂清便自調也本方加羌活防風各一錢謂用防風是胆受病也

假令得心脈其外證面赤口乾善笑其三部俱浮而洪惡寒裡和本方加黃芩石膏各一錢半謂心主熱是小腸受病也

假令得脾脈面黃善噯善思尺寸俱浮而緩惡寒裏和本方加白朮防已各一錢半謂脾主濕是陽明受病也

假令得肺脈其外證面白善憂善悲不樂欲哭其尺寸脈俱浮



附子雖云犯胎然仲景胎子湯亦治胎寒但須真寒方可酌用

而瀉惡寒裏和本方加黃芪防風各一錢謂肺主燥是大腸受病也

假令得腎脉其外證面黑善恐其尺寸脉俱浮而濡惡寒裏和

本方加附子炮下錢謂腎主寒是膀胱經受病也附子犯胎禁

也可

羌活湯 河澗云解利傷寒不問何經所受雖不能盡解亦無壞

證尤益妊婦

羌活 二錢 白朮 一錢 防風 川芎

白芷 黃芩 甘草 一錢 細辛 二分

右剉水煎服無時○如無汗去白朮用蒼朮加紫蘇亦可

黃龍湯 妊婦傷寒得之三五日後有惡寒發熱內有煩渴引飲



黃龍湯即小
柴胡去半夏
為少陽經藥
而此自重在
表解故主之
其加減法更
妙

小便赤澀之證此邪在半表半裏也宜此方主之

柴胡二錢

黃芩一錢

人參

甘草各一錢

右加薑棗水煎服

加寒熱往來無汗口乾加葛根二錢去棗入葱白三根

如頭疼不止加川芎白芷各一錢去棗加葱白三根

如發熱有汗口渴加白朮括蕁根各一錢半

如脈浮大有力大熱大渴本方人參白虎湯去薑棗

如心煩不得臥加白茯苓麥門冬各一錢

如嘔時加半夏製白茯苓各一錢去棗

如胸膈滿痛加枳殼炒香附子炒黑川芎各一錢

如大便秘初加大黃五分得利則止不利加一錢以利為度



三黃解毒湯

妊娠傷寒五六日後表邪悉罷並無頭疼惡寒之證止煩躁發熱大渴小便赤大便秘或利下赤水六脈沉實之症邪在裏也宜此方主之

黃芩

黃連

黃檗

山梔

大黃各等分

右剉水煎服更隨五臟脈證加減

假令得肝脈其內證煩滿消渴溲便難尺寸脈沉弦有力是肝經本臟受病也本方加當歸一錢半甘草五分陪山梔

假令得心脈其內證煩躁心痛掌中熱而噦尺寸脈沉數有力是心經本臟受病也本方加麥門冬一錢竹茹一團倍黃連

假令得脾脈其內證腹脹滿譫妄其脈沉緩有力是脾經本臟受病也本方加枳實炒厚朴薑汁炒各一錢半倍大黃



既寒逆矣又
主三黃雖加
乾姜恐終未
妥酌之

傷風白汗如
頭疼邪盛者
此方用當甚
酌

桂能墮胎宜
火焙用

假令得肺脈其內證喘咳胸滿尺寸脈沉濇有力是肺經本臟

受病也本方加葶藶炒一錢桔梗五分倍黃蓮

假令得腎脈泄瀉下重足脛寒而逆尺寸脈沉而石是腎經本

臟受病也加乾薑炮五分熟地黃一錢半倍黃檗

黃芪解肌湯 治妊娠傷風自汗

人參 黃芪 當歸 川芎 甘草 炙各半兩 芍藥 大者

右咬咀每服八錢水煎服。加蒼朮生地黃亦可

桂枝芍藥當歸湯 治婦人有孕傷寒脈浮頭重腹中切痛宜此

方

桂枝 芍藥 當歸 各一兩

右剉細每服一兩水煎服



南京中医药大学图书馆版权所有

裏虛者宜

芍藥湯

治婦人妊娠傷寒自利腹中痛食飲不下脈沉者太陰

病也宜此方

芍藥

白朮

茯苓

甘草

各一兩

右剉每服一兩水煎服

加減當歸六黃湯

治妊婦傷寒發汗後汗漏不止胎氣損者

當歸身

黃耆

生地黄

黃芩

白芷

阿膠珠

炙甘草

各等分

右用浮小麥一撮煎湯去麥下藥五錢煎七分溫服

六味黃芩湯

治妊婦傷寒下後協熱而利不止胎氣損者

黃芩 二兩

白芍藥

白朮

白茯苓

炙甘草

阿膠

各一兩

先煎法妙



此竹葉石膏湯
變法也以
阿膠生地易
知母石膏妙
甚

右用水一盞半煎一盞後入阿膠再煎八分服

加味竹葉湯 妊婦汗下後熱不除者虛也此方生之

人參 麥門冬 炙甘草 阿膠 生地黃 各一

右加竹葉十二片粳米一合煎服

黃龍四物湯 治妊婦傷寒產後發熱者宜此方

柴胡 二錢 黃芩 半 人參 甘草

當歸 川芎 芍藥 地黃 各一

右剉水煎服。若因於食者本方加枳實

加減四物湯 治妊婦傷寒熱 發斑狀如錦紋者

當歸 白芍藥 生地黃 黃芩 各等分

右剉每服八錢水煎服

卷九 傷寒



北京中醫藥大學圖書館藏
1661

梔子大青湯 治妊婦傷寒發斑變為黑色。

升麻 黃芩 梔子各二兩 大青 杏仁各半兩

右咬咀每服五錢水一盞半細切葱白三寸煎服

一方 治妊娠傷寒發斑忽黑小便如血胎欲落

梔子 升麻各四兩 黃芩二兩 生地黃二十根

石膏八兩 葱白切一升 黃芩三兩

右用水煎分三服忌熱物。○又以井中泥塗心下乾則易

護胎法 治傷寒熱病護胎

用白藥子不拘多少為末以雞蛋清調攤於紙上如碗大貼

臍下胎存處乾則以濕水潤之

護胎法 治孕婦一切有熱內外諸證

護胎法



南京中醫藥大學圖書館版權所有